

再續華州志

序	目錄	姓氏
卷一	地理志	
卷二	祠祀志	
卷三	田賦志	
卷四	藝文志	
卷五	官師志	
卷六	官師傳	

再續華州志序

國家建立郡邑區疆分野無論地土之廣狹政事之繁簡莫不命之有志凡以昭鑒戒備考稽也余自筮仕陝右宰鄠宰渭歲癸卯來守華郡披閱華志舛錯模糊急欲續修以釐正之因思郡志善本歷有年所剏始者某某重修者某某載筆載言縷析條分前人

再續華州志序

一

僥乏人事得失識之以振頽靡闡幽隱所謂脩教齊政由此其選云胡不續旣又思之人往風微斷碣殘編非粹至者所能延訪而周知退食之暇安得溯官箴民瘼僻壤蔀屋不啻燭照數計乎是以欲續且止會陞任藩憲前王觀察使慨然有風俗人心之責詢及華志余對以郡志相傳已久修于前明隆慶續于

國朝康熙甲子百餘年來

垂天子繼繼承承休養生息仰觀雲日之昭垂俯察人文之蔚起職官傳舍藝苑風清及今不修世遠年湮遺老

無徵其不致淪于泯沒者幾希退謀諸都人士咸以爲然于是延郡紳果亭史公有搜廣採爰度爰諮核實循名纖悉畢舉余于公餘細加商確凡所謂依例取義一準先民之舊是志原本成於郡人光孝張公以秦人叙秦事經宗工王漁洋先生許可續者因之今惟填註其模糊改易其舛錯不復另開生面編次旣定彙付梓人顏之曰再見非創也亦非脩也竊自比于續而不攘人已成之功不毀人極盛之名姑附諸再思之意云爾至錄善而泐惡如入雲臺麟閣鬚眉飛動令閱者慷慨擊節愧奮交加猶有待于作者

是爲序

乾隆五十四年春二月旣望知同州府華州事江寧

汪以誠樸存書

再續華州志目錄

卷一

地理志

沿革

建置

山川

陵墓

卷二

祠祀志 風俗攷

卷三

再續華州志目錄

田賦志

卷四

藝文志

卷五

官師志

卷六

官師傳

卷七

人物志上

仕宦

卷八

人物志中

忠烈

孝行

義行

卷九

人物志下

鄉耆

處士

卷十

再續華州志目錄

二

列女傳

卷十一

勳封攷

卷十二

選舉攷

武科

例貢

督修姓氏

郭唐彦

薛廷榮

趙寧邦

馬可楮

採訪姓氏

康爾慶

杜文學

劉怡

梁廉

王味旦

張侃

李濬

再續華州志目錄

王喆

再續華州志卷之一

勝州賀登雲

曠如山人史 萼續次 麻陽田培因

全校

江寧樸存汪以誠編閱 成紀曹鄒蒞

會稽蔣三達

地理志 沿革 建置

州之建置自秦漢至於明季其間移易殊制前志已詳言之茲即百餘年之沿革者考覈而詳載之以備後覽焉自康熙十二年起至乾隆五十二年止以後祠祀田賦官師人物俱依此為

再續華州志卷之二 建置

例

舊志載華州屬西安府於雍正三年陞華州為直隸轄蒲城華陰潼關三縣至乾隆元年同州改府州去直隸屬同州府

州之州同於乾隆十八年缺裁

州之州判於康熙四十八年缺裁至乾隆四十二年復設

州之學額舊志載文章十五名於雍正十一年奉文增五名武童十五名於雍正八年奉文增五名文武各二十名

州之城郭其制未改乾隆四年知州王公二南奉文重脩至乾隆五十年今知州汪公補葺缺陷脩理女牆俾鞏固焉

州治公署規模仍舊至乾隆三十二年知州瑪公星阿繼任潘公時選次第脩之較前更爲壯麗

州同公署在州治大堂之東至乾隆十八年缺裁宅附州署今之東花亭卽其址也

州判公署舊在州治大堂之西康熙四十八年缺裁宅附州署至乾隆四十二年復設其宅建於大

街官路之北係知州楊公徽創建

其地二畝係城隍廟官地以開

續華州志卷之二 禮

二

元寺後官地易之

吏目公署在州治大堂之西南隅其制未改而因時脩葺較前則更加潤色

儒學公署在州治之東阜城之東南隅也學正宅在明倫堂後屋僅容膝訓導舊無公署賃居民舍

乾隆二十五年知州吳公炳捐俸勸捐而建焉在

明倫堂之東訓導秦州楊公世傑題曰菁莪堂

明倫堂自馮公昌奕重建後至乾隆五六年知州

徐公天麒繼任王公二南重脩

駐防營舊無定所乾隆二十五年知州席公紹藻

詳請上憲在東門內街北開元寺西創建

文廟在學署之東其制未變於乾隆四年知州董公權文倡紳士重脩至乾隆四十八年知州楊公徽奉部議頒帑銀重脩

尊經閣在明倫堂之後歷年頒書藏焉

敬一亭在尊經閣之後五十二年今知州汪公捐俸重脩

文廟舊無角門乾隆二十五年知州趙公德潤捐俸創建榜其西曰德配天地東曰道貫古今

魁星樓在城上東南乃乾隆二十年學正薛公宁

再續華州志卷之二 建置

三

廷勸紳士捐貲所建次年丙子鄉科郭安李灼俱登第而李於丁丑連捷人以爲建樓之驗

崇聖宮在文廟之東知州楊公徽曾補葺焉

名宦鄉賢忠孝祠俱在戟門外忠孝祠於乾隆四十九年經雨傾圮今知州汪公捐俸脩葺

文昌祠在櫺星門東知州楊公徽曾加補葺節義祠在學署之南後裔曾爲重脩

先農壇在東郊雍正五年知州王公德地奉

旨置建藉田四畝九分

八蜡廟在東城外

鄭桓公祠在西關外

郭汾陽王祠在東郊

寇萊公祠在西關外

姬忠烈公祠在西關外

城隍廟在州治之東制仍其舊乾隆二十一年知州張公廷宇重脩未畢工而陞至三十年瑪公星阿董率告厥成功

金僊寺在州西七里迺萬歷三十五年所建歷年久遠風雨剝蝕殿宇傾圮神像暴露乾隆五十一年冬陝西鹽法道舒目覩感懷捐俸倡衆而重

再續華州志卷之二 建置

四

建焉

州之學田四十八畝四分收租麥穀共六石二斗八升八合半給廩生半給貧士

常平倉在州治之西舊志十座各三間於雍正七年增建一座五間合新舊共三十五間

社倉一十一處一在城內其餘在鎮在堡者悉仍其舊惟大張社之倉因遭水患今移之北門外陳家村每處一座座各三間

官廐在州治大門內東有馬神廟卽昔之華山驛也養馬八十四匹州馬五匹乾隆五十一年今知

州汪公重脩又於大門內添設所夫廳以便公事
舊志大門內有鐘鼓樓二座今已久經傾圮

養濟院在東門內其制仍舊不時脩葺

演武教場在西郭之北

諸急遞舖總舖在官廐迤東三舖曰羅紋橋曰柳
子鎮曰分界至華陰界迤西三舖曰十里舖曰白
泉舖曰赤水至渭南界

陰陽學官曰典術醫學官曰典科以及僧正司道正司均無

定所各隨所在而居焉若夫諸行署旌善亭申明

亭舊志有載其地者而今則久廢矣

再續華州志卷之二 建置

泮池舊為土壕引太平峪五眼泉水注而不洩舊
志以為翁聚之象乾隆二十年學正薛公宁廷勸
紳士捐助砌以磚石煥然新焉

秀峯書院在城內官道之南本督學校士署也前
任史公文楷創建馮公昌奕重脩每歲科兩試華
商二州之士咸集自乾隆元年同州改府生童俱

赴府棚考試此署遂閒號舍傾圮堂宇猶存知州
席公紹葆倡捐改建為書院又查勸州城內外官
地一百畝有零經畫區處以為師生膏火之資延

請師長訓課其中葢彬彬乎稱盛舉焉撫軍桂林

陳公顏其額曰秀峯書院行之八年西陲用兵借爲公館厥後遂廢書院西又創建副公館一座其規模亦極宏壯

州之西南瓜坡之上平原有湯房焉其地最艱於水上下往來者每困之善士等脩葺湯房收雪水而下而藏之以普濟行人民甚便焉有八十三歲老人韓昌碑記係隸書

州治之北十里有西嶽廟歷代各有碑記名曰下廟或曰下廟者蓋對華陰嶽廟而名也五社致祭三月初八八月初八一歲兩賽

再續華州志卷之二 建置

六

地理志 山川攷

豐原鄉水利二其一爲金沙渠州之西南張村堡西有沙河一道名曰灌水至大道則曰赤水河源通秦嶺九峪中合爲一川北流渭村之南有岸名曰紅崖下有細泉星布雖河水偶涸此水混混不舍晝夜明萬歷間白公鄭公因大旱令居民創脩渠道灌田號爲金沙渠豎碑記之厥後緣暴水浸沒隨脩隨阻遂多爭端於乾隆五十一年州牧汪普念民依躬履其地勘驗分明命衆疏濬而灌田焉是舉也其功則省其利則溥利賴之功媲美白

二公焉

其一爲西河渠在瓜坡鎮東南留村發源於秦嶺
透過支家山滙聚細泉北流數十里至留村張王
古趙雷李等姓分爲東西二渠晝夜輪流議有成
規永無相爭其利與金沙渠而俱溥

地里志 墳墓攷

張工部鯤翔公墓 在州城西 崖坡前

劉亳州太室公墓 在州城東十五里 石子坡後 子中翰公肅祔

史臨高流芳公墓 在州西關外 天神廟南 孫封通政公振孟於潛

公昌孟祔曾孫京兆公茂祔

楊侍御曠公墓 在州西南五十里 江村

陳觀察蒼梧斌如公墓 在州東 關路南 子古山公憲姚祔

張翰林檢討曾慶公墓 在州東 羅紋鎮南

郭岷縣忱由公墓 在州西 徐村 三官廟西

武翰林工部維甯公墓 在州東 十五里

再續華州志卷之二

墳墓攷

陳少京兆恪公墓 在州東 關南


王歸順州文煥公墓 在州東 關路南

杜孝廉克振公墓 在州西 關北 子興縣公肯堂祔

王信豐緝祖公墓 在州西 關南

秦封君公墓 在州東 柳子鎮

李大定灼公墓 在州東南 少華鎮



勝州賀登雲

曠如山人史 萼續次 麻陽田培因

江寧樸存注以誠編閱 成紀曹鄒蒞

會稽蔣三達

祠祀

前志所載不錄去繁就簡便覽閱也詳列姓氏

防傾圯恐湮沒存考查也

文廟大成殿正位 木主定式高二尺三寸七分濶七寸厚四寸座高四寸長七寸

厚三寸朱地金書

再續華州志卷之二

四配位東西相向 木主高一尺五寸濶三寸二分厚五寸座高四寸厚二寸八分

東哲五位 木主高一尺四寸濶二寸六分厚五分座高二寸六分厚二寸

所祀先賢閔子 先賢冉子 先賢端木子 先

賢仲子 先賢卜子至乾隆二年升 先賢有子

於十哲則東祀六位

西哲五位 木主與東哲同

所祀先賢冉子 先賢宰子 先賢冉子 先賢

言子 先賢顓孫子至康熙二十一年升 先儒

朱子於十哲則西祀六位

東西兩廡 先賢木主與十哲同先儒木主高一尺三寸四分濶二寸三分厚四分座高二寸

寸三分共祀先賢先儒九十七位至雍正二年奉
部議宜復祀兩廡者先賢林放以下六人宜增祀
兩廡者先賢亶縣以下二十人東西各分配十三
人合兩廡共祀一百二十三位

東廡六十二位

所祀先賢澹臺子滅明 蘧子瑗 原子憲 南
宮子适 商子瞿 漆雕子開 司馬子耕 公
西子赤 漆雕子哆 梁子鱸 冉子孺 伯子
虔 冉子季 漆雕子徒父 左子人郢 任子
不齊 公子良孺 鄭子單 罕父子黑 榮子

再續華州卷之三

禮

二

旂 公子肩定 鄭子國 原子亢 廉子潔
叔仲子會 公西子與如 邾子巽 琴子張
步子叔乘 秦子法 顏子噲 顏子何 縣子
亶 樂正子克 萬子章 周子敦願 程子顥
邵子雍 先儒公羊子高 伏子勝 董子仲
舒 后子蒼 諸葛子亮 杜子春 王子通
魏子了翁 范子仲淹 歐陽子脩 羅子從
彥 吕子祖謙 楊子時 蔡子沈 王子柏
李子侗 陳子淳 趙子復 許子謙 吳子澄
王子守仁 胡子居仁 羅子欽順